



**Broj: T18 0 KT 0018597 25**

**Datum. 24.07.2025.godine**

### **Optužnica potvrđena dana 04.08.2025.godine**

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

## **OPTUŽNICU**

### **Protiv:**

**Z. Z.**, rođena 04.10.1968. godine u Rašljanima,

### **Što je :**

Dana 01.06.2025. godine oko 09,30 časova u Brčkom krećući se Mostarskom ulicom upravljala putničkim motornim vozilom marke „VW Golf“ registarskih oznaka ...-A-... iz pravca kružnog toka u blizini „Fisa“ prema bivšoj zgradi fabrike „Izbor“, odnosno prema centru grada, vozeći po sunčanom danu sa dobrom vidljivošću i suvim i čistim asfaltnim kolovozom bez oštećenja, pa u momentu kada je odlučila da skrene ulijevo u pravcu svoga kretanja u Novobrodsku ulicu, propustila da se prilikom tog kretanja suprotno odredbi člana 48. tačka 2. Zakona osnovama bezbjednosti saobraćaja na putevima u BiH, kreće uz zamišljeni luk koji spaja dvije središnje linije bočnog kolovoza odnosno izvršila je naglo presjecanje takvog zamišljenog luka, krećući se brzinom od oko 30 km/h, koja istovremeno nije bila prilagođena ovakvom načinu kretanja što je suprotno odredbi člana 43. stav 1. Zakona osnovama bezbjednosti saobraćaja na putevima u BiH odnosno nije preuzela usporavanje vozila na uslovno bezbjednu brzinu do 20 km/h, olako pri svemu držeći da neće izazvati saobraćajnu nezgodu i da neće ugroziti druge u saobraćaju, pa nije pravovremeno uočila oštećenu M. K. koja se kretala uz svoje biciklo sa desne na lijevu stranu ulice u odnosu na dolazak „Golfa“, tako da ju je Z. mogla bezbjedno obići u čemu nije uspjela što je posljedica načina kretanja i neprilagođene brzine, pa u momentu kada je sa zakašnjenjem uočila M., i počela je izbjegavati da ne naleti na nju vozilom, u momentu kada je M. sa biciklom bila na središnjem dijelu Novobrodске ulice, Z. u daljem svom manevrisanju svog vozila naglo naletila na pješakinje koje su se kretale ispred M. i to R. M. i H. H. izgubivši potpunu kontrolu i ne kočeći, pa je potom udarila i u pješakinju M. F. koje se nisu kretale što bliže desnoj ivici u Novobrodskoj ulici u koju je skrenula Z., usljed čega je sve tri pješakinje udarila i to prvu M., R., pa H. i oborila ih na tlo, te prouzrokovala teške tjelesne povrede i to kod F. M. prelom druge članačne kosti lijevog stopala, te lake tjelesne povrede u vidu nagnječenja oba koljena, oguljotine kože na tijelu, uganuća oba skočna zgloba sa napuknućem donjem okrajka desne lisne kosti i nagnječenje i krvni podliv desnog koljena, potom tešku tjelesnu povredu kod H. u vidu preloma lijeve palčane kosti na tipičnom mjestu, te lake tjelesne povrede u vidu nagnječno - razderne rane palca desne šake i oguljotine kože na tijelu, a kod R. tešku tjelesnu povredu u vidu preloma lijeve palčane kosti na tipičnom mjestu, izazvaši akutne sresne reakcije ovim povređivanjem i nastalnim povredama kod H. i R.

dakle, kao učesnik u saobraćaju na putevima, koja se nije pridržavala saobraćajnih propisa, pa je time iz nehata ugrozila javni saobraćaj da je dovela u opasnost život ljudi zbog čega su kod drugih lica nastale teške tjelesne povrede

čime je, počinila krivično djelo – Ugrožavanje javnog saobraćaja - iz člana 326. stav 3. Krivičnog zakona Brčko distrikta BiH

**[...]**

---

**\*\*Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.\*\***

---